

Edizione diplomatica


179v



BEn auetz entendutz los mals quen bertrans de born reme(m)bret quel reis darrago(n) auia faitz de lui edautrui. Et acap duna gran sazon quel nac apres dautres mals quelaui faitz li lol uolc retraire en un autre sirue(n)tes. Efon dig anbertran cun cauallier auia enarragon que auia nom nespai(n)gnols. Et auia un bonca stel molt fort que auia nom castellot. et era p(ro)-prietat denespai(n)gnol et era en la forteressa de sarrazins. Don el fazia grant guerra als sarrazis. El reis si ente(n)dia molt enaquel chastel. Euenc uniorn en aquella encontrada. p(er) seruir lo eper enuidarlo al sieu castel. Emenet lo charament lui ab tota soa gent. El reis qua(n)t son dedinz lo castel lo fetz penre et menar de foras etolc lo castel efon u(er)tatz q(ue) quant lo reis uenc al seruizi del rei enric.lo com(s) de tolosa sildesco(n)fis engascoi(n)gna etolc li ben cinquanta caualliers. El reis enrics li det tot lauer queill cauallier deuian pagar p(er) la reenson. et el nol paguet lauer als caualliers. Anz lenportet e(n) arragon. Eill cauallier isseron de preisson epage ron lauer. E fon uertatz cus ioglars q(ue) auia nom artuset li prestet.cc. marabotis. Emenet lo ben un an absi enoillen det denier. Eca(n)t uenc un dia artuset ioglars sise meslet abun iuzieu [...] juzieu li uengron sobre enafreron a[...]

180r

image not found



Et artuset (et) us
sos compai(n)gs accusseron un iuzieu don li iuzieu
aneron al rei epregueron lo quel enfezes uen-
teta eque lor des artus el compai(n)gnon p(er) aucire.
equill li darian. cc. marabotis. el reis los lor do-
net amdos epres los. cc. marabotis.eill iuzieu
les feiron ardre lo iorn de la natiuitat de crist
si comdis Guillems de berguedam en un sieu s(ir)-
uentes dizen en el mal del rei. Efetz una mes
preison. Don hom nol deu razonar. Quel iorn
de la naision. fetz dos crestias brusar. Artus ab
autre son par. Eno(n) degra aici iutgar amort ni
apassion. Dos p(er) un iuzieu fellon. Don us autre
que auia nom peire ioglar li p(re)stet deniers eca-
uaus. et aquel peire ioglars si auia grans ma-
ls ditz de la ueilla reina denglaterra. la quals tenia
font ebrau. que es una abadia onse rendon to-
tas las ueillas ricas. et ella lo fetz ausire p(er) parau-
la del rei darragon. etotz aquestz laich faich re
menbret enbertrans de born al rei darragon en
aquest sirue(n)tes que dis. **Quant uei p(er) uergiers
despleiar. los cendaus grocs indis. (et) cetera.**

- letto 368 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropaea.let.uniroma1.it/?q=laboratorio/edizione-diplomatica-2864>